



Број: 01/5-50-3-5-2/19

Сарајево, 15.1.2020.

**IZVJEŠTAJ O RADU KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA U 2018. GODINI**

Sarajevo, januar 2020. godine

SADRŽAJ

POGLAVLJE I. UVODNI DIO	3
Tabela 1. Pregled sjednica Komisije s tačkama dnevnog reda	4
POGLAVLJE II. IZVJEŠTAJ O AKTIVNOSTIMA KOMISIJE.....	5
Odjeljak A. Zakonodavne aktivnosti.....	5
Odjeljak B. Izvještaji o radu.....	5
Odjeljak C. Imenovanja.....	6
Odjeljak D. Aktivnosti vezane za razmatranje i usvajanje ostalih akata	6
Odjeljak E. Međunarodna saradnja, seminari, konferencije i radni sastanci	6
POGLAVLJE III. REZIME	7

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 79/14, 81/15, 97/15 i 78/19), u skladu s Uputstvom o metodologiji izrade izvještaja o radu komisija Parlamentarne skupštine BiH (broj: 01,02-02-4-574-1/13 od 10.4.2014.) i zaključkom Predstavničkog doma (broj: 01-50-1-15-15/15 od 22.7.2015.), Komisija za saobraćaj i komunikacije Predstavničkog doma Parlamentarne skupštine Bosne i Hercegovine podnosi Predstavničkom domu Parlamentarne skupštine Bosne i Hercegovine sljedeći

Izvještaj
o radu Komisije za saobraćaj i komunikacije Predstavničkog doma u 2018. godini

POGLAVLJE I. UVODNI DIO

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom). Djelokrug Komisije određen je članom 48. Poslovnika Predstavničkog doma prema kojem Komisija razmatra pitanja koja se odnose na: putne isprave, uspostavljanje i funkcioniranje zajedničkih i međunarodnih komunikacija, reguliranje međunarodnog i međuentitetskog saobraćaja, civilno zrakoplovstvo, informaciono-komunikacione tehnologije i druga pitanja iz oblasti saobraćaja i komunikacija.

Predsjedavajući Komisije je Momčilo Novaković, prvi zamjenik predsjedavajućeg je Nikola Lovrinović, a druga zamjenica je Hanka Vajzović. Ostali članovi Komisije su: Amir Fazlić, Staša Košarac, Šemsudin Mehmedović, Mirsad Mešić, Fehim Škaljić i Jovan Vukovljak.

Sekretar Komisije je Ahmed Jalovičić.

Komisija je obavljala poslove iz svoje nadležnosti u skladu s Planom rada i procedurama utvrđenim Poslovníkom Predstavničkog doma.

U izvještajnom periodu Komisija je održala pet sjednica, s ukupno 20 tačaka dnevnog reda, u okviru kojih je usvojila četiri zaključka.

Prosijek prisustva članova Komisije sjednicama Komisije je 65%, a sjednice su u prosjeku trajale 41 minutu.

Tabela 1. Pregled sjednica Komisije s tačkama dnevnog reda

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Komisije (%)
42. sjednica 15.1.2018.	7	67
43. sjednica 15.2.2018.	5	56
44. sjednica 19.3.2018.	3	67
45. sjednica 15.5.2018.	3	56
46. sjednica 31.10.2018.	2	78
Ukupan broj sjednica: 5	Ukupan broj razmatranih tačaka: 20	Prosječno prisustvo: 65 %

POGLAVLJE II. IZVJEŠTAJ O AKTIVNOSTIMA KOMISIJE

U izvještajnom periodu Komisija je održala pet sjednica.

Na pet održanih sjednica Komisija je razmatrala dva prijedloga zakona, dva izvještaja o radu institucija iz nadležnosti Komisije, kao i druge akte iz svoje nadležnosti.

Na 42. sjednici Komisije, održanoj 15.1.2018, usvojen je Izvještaj o radu Komisije za 2017. godinu.

Na 43. sjednici Komisije, održanoj 15.2.2018, usvojen je Orijentacioni radni plan Komisije za 2018. godinu.

U izvještajnom periodu nije bilo putovanja u organizaciji Komisije.

Odjeljak A. Zakonodavne aktivnosti

Komisija je u 2018. godini razmatrala dva prijedloga zakona, i to:

1. Prijedlog zakona o izmjenama i dopunama Zakona o zrakoplovstvu Bosne i Hercegovine, predlagač: poslanica Aleksandra Pandurević (završena druga komisijska faza – pozitivan izvještaj Komisije)
Predstavnički dom je na 56. sjednici, održanoj 31.1.2018, usvojio Prijedlog zakona u drugom čitanju, a Dom naroda na 37. sjednici, održanoj 17.4.2018. Zakon je objavljen u „Službenom glasniku BiH“, broj 25/18.
2. Prijedlog zakona o dopunama Zakona o komunikacijama, predlagač: Vijeće ministara BiH (završena druga komisijska faza – pozitivan izvještaj Komisije)
Predstavnički dom je na 57. sjednici, održanoj 20.2.2018, usvojio Prijedlog zakona u drugom čitanju.
Dom naroda na 37. sjednici, održanoj 17.4.2018, nije usvojio zahtjev Ustavnopravne komisije Doma naroda za produženje roka za dostavljanje mišljenja o Prijedlogu zakona, čime je zakonodavni postupak obustavljen.

Odjeljak B. Izvještaji o radu

U izvještajnom periodu Komisija je razmatrala izvještaje o radu institucija Bosne i Hercegovine za koje je nadležna, i to:

1. Izvještaj o radu i finansijski izvještaj Agencije za poštanski saobraćaj BiH za 2017. godinu;
2. Izvještaj o radu Državne regulatorne komisije za električnu energiju za 2017. godinu.

Odjeljak C. Imenovanja

U izvještajnom periodu Komisija nije razmatrala imenovanja iz svoje nadležnosti.

Odjeljak D. Aktivnosti vezane za razmatranje i usvajanje ostalih akata

Komisija je u okviru svoje nadležnosti razmatrala sljedeće akte:

1. Informacija Regulatorne agencije za komunikacije BiH o provedenom monitoringu informativnog programa Dnevnika 2 emitera Javnog radiotelevizijskog sistema BiH: BHRT-a, RTRS-a i FTV-a;
2. Informacija s analizom u vezi s pitanjem prijenosa javnih ovlaštenja, podnosilac: Vanjskotrgovinska komora BiH;
3. Informacija i prijedlozi mjera za uređenje tržišta elektronskih medija (realiziranje zaključka 41. sjednice Komisije);
4. Izvještaj Interresorne radne grupe za analizu primjene Zakona o Javnom radiotelevizijskom sistemu Bosne i Hercegovine;
5. Izvještaj sa sastanka Parlamentarnog plenuma Energetske zajednice i Prvog parlamentarnog foruma Jugoistočne Evrope o energetskej efikasnosti i klimi, Beč, 19. i 20.12.2017;
6. Informacija o radnoj posjeti delegacija Komisije za vanjsku i trgovinsku politiku, carine, saobraćaj i komunikacije Doma naroda i Komisije za saobraćaj i komunikacije Predstavničkog doma PSBiH Nezavisnom operatoru sistema (NOS BiH), Sarajevo, 28.11.2017;
7. Finansijski plan Državne regulatorne komisije za električnu energiju za 2018. godinu;
8. Informacija o sastanku s predstavnicima regionalnog projekta „Podrška javnim medijskim servisima na Zapadnom Balkanu“, Sarajevo, 21.3.2018;
9. Prijedlog izvještaja o radu Komisije za saobraćaj i komunikacije Predstavničkog doma u 2017. godini;
10. Prijedlog orijentacionog radnog plana Komisije za saobraćaj i komunikacije Predstavničkog doma za 2018. godinu.

Odjeljak E. Međunarodna saradnja, seminari, konferencije i radni sastanci

Predsjedavajući Komisije Momčilo Novaković je 21.3.2018. u zgradi Parlamentarne skupštine BiH u Sarajevu održao radni sastanak s predstavnicima regionalnog projekta „Podrška javnim medijskim servisima na Zapadnom Balkanu“.

Predsjedavajući Komisije Momčilo Novaković učestvovao je na Konferenciji “Javne investicije u Bosni i Hercegovini: koliko smo spremni?”, koja je, u organizaciji Centra za politiku i upravljanje, održana 28. 3. 2018. u Sarajevu.

Članovi Komisije Momčilo Novaković, Hanka Vajzović, Nikola Lovrinović, Šemsudin Mehmedović i Mirsad Mešić učestvovali su na Četvrtom energetsom samitu, koji je, u organizaciji Američke agencije za međunarodni razvoj - Investiranje u sektor energije (USAID EIA) i Njemačkog društva za međunarodnu saradnju (GIZ), održan od 25. do 27. 4. 2018. u Neumu.

Predsjedavajući Komisije Momčilo Novaković učestvovao je na Konferenciji “Tehnička podrška javnim medijskim servisima na Zapadnom Balkanu”, koja je održana 26. i 27.6.2018. u Tirani.

Predsjedavajući Komisije Momčilo Novaković i prva zamjenica predsjedavajućeg Hanka Vajzović učestvovali su na sastanku s Violetom Bulc, komesarkom Evropske unije za saobraćaj, koji je u formi okruglog stola održan 29.6.2018. u Sarajevu, u prostorijama Delegacije Evropske unije u Bosni i Hercegovini.

POGLAVLJE III. REZIME

Može se konstatirati da je Komisija u 2018. godini blagovremeno razmatrala sve materijale iz svoje nadležnosti, a svi izvještaji, mišljenja i drugi akti blagovremeno su dostavljani Kolegiju Doma na daljnji postupak.

Rad Komisije u najvećoj mjeri zavisio je od materijala koje je dostavilo Vijeće ministara BiH, pa je u domenu zakonodavne aktivnosti Komisija u 2018. godini razmatrala dva prijedloga zakona, a Vijeće ministara BiH je, prema svom Programu rada za 2018. godinu, planiralo dostaviti u parlamentarnu proceduru devet prijedloga zakona iz nadležnosti Komisije, ali nije dostavljen nijedan prijedlog zakona.

Svojim radom Komisija za saobraćaj i komunikacije Predstavničkog doma Parlamentarne skupštine BiH u 2018. maksimalno je nastojala doprinijeti uspješnom radu Predstavničkog doma.

PREDSJEDAVALJUĆI KOMISIJE
Nenad Nešić

Prilog: Tabela 2. Tabela prikaz prisustva članova sjednicama Komisije

Tabela 2. Tabela prikaz prisustva članova sjednicama Komisije

Ime i prezime člana Komisije	Broj sjednice i datum održavanja sjednice Komisije				
	42	43	44	45	46
	15.1.2018.	15.2.2018.	19.3.2018.	15.5.2018.	31.10.2018.
Momčilo Novaković	+	+	+	+	+
Nikola Lovrinović	+	-	-	-	+
Hanka Vajzović	+	+	+	+	+
Amir Fazlić	-	+	+	-	+
Staša Košarac	-	-	-	-	-
Šemsudin Mehmedović	+	-	+	+	+
Mirsad Mešić	-	+	+	+	-
Fehim Škaljić	+	-	-	-	+
Jovan Vukovljak	+	+	+	+	+